



2.100



KANDIDATA ZA OPĆINSKA I GRADSKA VIJEĆA

LISTE SDP BIH U VIŠE OD 100 OPŠTINA I GRADOVA

36 KANDIDATA

ZA GRADONAČELNIKE I NAČELNIKE



PARTIJA OD VELIKOG RATA DO KONGRESA UJEDINJENJA

FOTOGRAFIJA: Mitar Trifunović Učo bio je najistaknutiji Bosanac i Hercegovac u rukovodstvu Socijalističke radničke partije Jugoslavije

1917.

U toku rata stranka gotovo da nije funkcionalisala, ali su 1917. radnici ohrabreni revolucijom u Rusiji krenuli u obnavljanje Socijaldemokratske stranke i drugih organizacija radničkog pokreta. Izvršene su i pripreme za osnivanje organizacije žena unutar stranke. Nakon prvomajskih praznika obnovljena rukovodstva Socijaldemokratske stranke i Glavnog radničkog saveza zajednički formiraju Glavni odbor radničkog pokreta.

Te godine Socijaldemokratska stranka BiH, uz pomoć Socijaldemokratske stranke Austrije, uspijeva svoje predstavnike poslati na Međunarodnu socijalističku konferenciju u Štokholmu, gdje se zalažu za sklapanje mira te za socijalne i demokratske reforme svega što je u ratu silom zauzeto i uništeno. Naročito je iskazano protivljenje iridentističkim nacionalističkim pokretima koji su se širili Evropom i zalagali za prekrajanje granica po etno-nacionalnom principu. U junu ove godine ponovo se počinje izdavati Glas slobode, koji će u narednom periodu predstavljati jedini socijalistički list revolucionarne orientacije na Balkanu.

1918.

Okončanjem I svjetskog rata i osnivanjem Kraljevine Srba, Hrvata i Slovenaca u čiji sastav su ušle sve južnoslavenske zemlje, znatno se mijenja politička situacija u Bosni i Hercegovini. Socijalisti su čin ujedinjenje jugoslovenskih zemalja i naroda ocijenili kao korak naprijed u historiji Južnih Slavena ali su izrazili protivljenje načinu na koji je nova državna zajednica stvorena i oblikovana kao buržoaska.

Glas slobode 9. decembra objavljuje članak „Jugoslovensko socijalističko ujedinjenje“ kojim se u javnost prvi put javno šalje inicijativa za formiranje jedinstvenog radničkog pokreta u novoj državnoj zajednici. Istog mjeseca Socijaldemokratska stranka po prvi put dobiva 9 svojih predstavnika u Gradskom vijeću Sarajeva: Savo Kapor, Franjo Raušer, Rudolf Fatner, Sreten Jakšić, Đuro Đaković, Anton Veroneze, Mato Starčević, Salih Tafro i Panto Krekić.

1919.

Socijaldemokratska stranka BiH je u februaru pozvala radnike Sarajeva, Mostara, Tuzle, Zenice, Travnika, Banjaluke i Bosanskog Broda na protestne sjednice. Jedina tačka dnevnog reda trebala je biti „Obezspravljanje i provociranje radničke klase“, skup je sazvan zbog lošeg odnosa države prema radnicima i njihovim političkim i sindikalnim predstavnicima. Odziv je međutim bio tako neočekivano velik da sale nisu mogle primiti sve radnike, u Sarajevu se skupština morala održati tri puta uzastopno da bi u salu mogli stati svi zainteresovani. U pomenutim gradovima na ulice je izašlo čak 30 000 radnika i radnika, te je čitav

događaj prerastao u generalni štrajk. U vremenu ovih protesta stranka je imala 23 mjesne organizacije i 6078 članova.

U martu je sazvano Privremeno narodno predstavništvo Kraljevine SHS u kom je Socijaldemokratska stranka BiH dobila dva mandata. Ovo tijelo nije sastavljeno izborom, te su stoga mnogi sporili njegov legitimitet i bunili se zbog broja dobivenih mandata.


U aprilu je održan Šesti zaključni kongres Socijaldemokratske stranke BiH i Osmi zaključni kongres Glavnog radničkog saveza BiH. Ovdje je ozvaničena odluka da će Socijaldemokratska stranka postati dio zajedničke socijalističke stranke svih Južnih Slavena. Zabilježene su rasprave o budućem programu stranke, jedni su se zalagali za reformistički a drugi za revolucionarni pristup. Naposlijetku su stranka i sindikati zajednički izabrali 100 delegata koji će ih predstavljati na Kongresu ujedinjenja u Beogradu.

Kongres ujedinjenja trajao je od 20 do 22. aprila a tu se ljevičarske partije jugoslovenskih zemalja ujedinjuju u Socijalističku radničku partiju Jugoslavije (SRPJ). Nova zajednička partija se organizaciono dijeli na pokrajinske odbore, tako Socijaldemokratska stranka Bosne i Hercegovine postaje Pokrajinski odbor SRPJ BiH. Na nivou Jugoslavije najviše tijelo bilo je Centralno partijsko vijeće, najistaknutiji član tog tijela iz naše zemlje bio je Mitar Trifunović - Učo.

Aktivisti radničkog pokreta nisu se umirili do kraja ove godine. Vlast je opet pokušala zabraniti proslavu 1. maja a radnici su uzvratili masovnim štrajkovima i protestima. U Sarajevu je uhapšeno više od 500 radnika, vlada je pokušala zabraniti rad svim radničkim organizacijama. Borba se nastavila, radnici su pritiscima natjerali vladu da osloboди većinu uhapšenih i ponovo odobri rad organizacija.

Pokrajinski odbor SRPJ formirao je i pokrajinsku organizaciju mladih socijalista na čijem čelu je bio Rodoljub Čolaković, kao i Savjet žena socijalistkinja, koji su se pored pokrajinskog organizovali i u mnogim mjesnim odborima.

Ova burna godina je do samog kraja obilježena štrajkovima, protestima, okupljanjima, javnim skupštinama, hapšenjima, otpuštanjima, otvaranjima novih radničkih domova i pokretanjem novih organizacionih jedinica. Od 1909 do 1919. godine prošla je prva burna decenija naše partije i tako najavila sve velike promjene i iskušenja koja partiju čekaju u vremenu koje slijedi.



BAKIR IZETBEGOVIĆ I SDA POTPISALI BEZUSLOVNU KAPITULACIJU PRED DODIKOM

Bakir Izetbegović i SDA potpisali su bezuslovnu kapitulaciju pred Miloradom Dodikom i njegovom politikom uništavanja i razgradnje države Bosne i Hercegovine.

Famozni mehanizam koordinacije, koji je dogovoren u kafani u Istočnom Sarajevu, predstavlja vrhunac urušavanja države, jer su Federacija BiH, Republika Srpska i kantoni dobili status jednak državi i njenim vlastima. Drugim riječima, bez državnih vlasti može se dogovoriti sve što se tiče puta BiH ka EU, dok bez saglasnosti RS ili nekog od kantona ne može ništa.

Ovo je uvod u konfederalizaciju BiH po etničkom principu, za šta se od večeras očito zalaže i SDA, bez obzira na lažne tvrdnje iz ove stranke kako se bori za jačanje države. Niko, ko želi jaku državu, ovakav dokument nikada ne bi potpisao. Posebno je ponižavajuće za sve građane ove zemlje da se za kafanskim stolom zadužuju za milijardu KM.

Potpuno je neshvatljivo da takve dogovore ne samo da podržava, već ih i organizira predstavnik Evropske unije u BiH Lars Gunar Wigemark. Sasvim smo sigurni da evropski standard nije odlučivanje za kafanskim stolovima, već se, naprotiv, BiH i njeni građani na ovaj način samo dodatno udaljavaju od ključnih evropskih vrijednosti.

SDP će koristiti sve oblike političke borbe da ne dozvoli urušavanje države pod izgovorom navodnog evropskog puta. Naš cilj je da u EU uđe snažna država, a ne tri megakantona ili entiteta. Takav pristup koji je večeras potpisala SDA i Izetbegović izdaja je svih onih koji su dali živote u odbrani jedinstvene BiH.

Posebno boli činjenica da Izetbegović nije imao hrabrosti, a ni državničke mudrosti, Miloradu Dodiku uopšte spomenuti otkazivanje referendumu o Danu RS. Taj neustavni referendum najteži je napad na stabilnost BiH od završetka rata, ali Izetbegovića i SDA to očito uopšte nije briga.



Posebno je ponižavajuće za sve građane ove zemlje da se za kafanskim stolom zadužuju za milijardu KM.



Odbijanjem Zakona o liječenju neplodnosti vlast, umjesto u EU, vodi nas u Srednji vijek

Na posljednjoj održanoj sjednici Zastupničkog doma Parlamenta FBiH ponovo nije izglasano uvrštavanje Zakona o liječenju neplodnosti biomedicinski potpomognutom oplodnjom na dnevni red.

Zakon već drugi put zaredom nije dobio dovoljan broj glasova zastupnika. 49 zastupnika je glasalo "za", 11 "protiv", a 24 "suzdržano".

Zbog čega je sporno uvrštavanje ovog Zakona na dnevni red federalnog parlamenta teško je objasniti, naročito jer bi njegovim usvajanjem veliki broj parova u BiH imao velike koristi. Ipak, zbog jednog glasa to pravo im je uskraćeno.

Dio zastupnika koji je glasao protiv uvrštavanja ovog zakona na dnevni red svoje protivljenje je opravdao vjerskim uvjerenjima. Zastupnik u federalnom parlamentu, Damir Mašić, je kazao da ne može shvatiti kako neko može drugome uskratiti šansu za potomstvo.

"Iako je iracionalno govoriti o tome u 21. vijeku, ne mogu shvatiti nekoga ko se protivi zbog religijskih uvjerenja. Ipak, protiv su gla-

sale osobe koje su građanski aktivisti i koji propagiraju sva univerzalna prava, a pogotovo ženska. To nikako ne mogu razumjeti. Ne radi se o osobama pojedinačno. Pola kluba parlamentarki je protiv ovog zakona", kazao je Mašić.
On je istakao da bi volio jasno obrazloženje zbog čega neko ne da šansu značajnom dijelu populacije koja ne može imati djecu.

"Mi očigledno ne idemo u EU već u Srednji vijek. Parlamentarna većina je takvog sastava. Ovaj zakon ne pruža samo šansu nego i realnu priliku da osobe dođu do potomstva kroz uređen sistem koji bi bio plaćen od strane Zavoda za zdravstveno osiguranje", pojasnio je Mašić.

Treba istaći da je dio zastupnika SDA i SBB-a glasao "za", dok su izričito protiv bili zastupnici iz HDZ-a.

Za kraj je poručio da zastupnici SDP-a neće odustati.

"Na narednoj sjednici ćemo ponovo predložiti, a cijelokupna javnost će imati priliku vidjeti ko su kočničari i ljudi koji nas žele vratiti u Srednji vijek."



Srebrenica je prikaz svega što je pogrešno u politici koja se vodi u BiH

Miro Lazović, bivši predsjednik Skupštine Republike Bosne i Hercegovine poručio je u specijalnoj emisiji na N1 da je "Srebrenica prikaz svega što je pogrešno u politici koja se vodi u BiH".

"Srebrenica je prikaz svega što je pogrešno u politici koja se vodi u BiH, a 11. juli je datum kada sve to izlazi na vidjelo. Srpska politika se mora mijenjati", kazao je Lazović i dodao:

"Ne može Aleksandar Vučić biti u pravu kada kaže da niko ne smije da gazi Srbe jer niko Srbima ne prijeti. Čizma nad srpskim narodom je podignuta politikom Slobodana Miloševića, nastavljena politikom Milorada Dodika i održavana demagogijom Aleksandra Vučića".

Lazović je dodao da se "ponos i dostojanstvo bh. ljudi ne može kupiti novcem".

"Onog trenutka kada srpska politika prizna činjenice, može doći do istinskog pomirenja. Ponos i dostojanstvo bh. ljudi se ne može kupiti novcem, patetičnim izljevima pred žrtvama i profitiranjem na lažnoj politici".



Aranžman s MMF-om je planski stopiran iz BiH do lokalnih izbora


Ne stišavaju se reakcije nakon odluke MMF-a da obustavi aranžman sa BiH. Zastupnik opozicionog SDP-a BiH u Parlamentarnoj skupštini BiH Saša Magazinović smatra kako je aranžman planski obustavljen kako vlasti građanima BiH ne bi morale prije lokalnih izbora objašnjavati šta piše u Pismu namjere MMF-u.

On je u razgovoru za Klix.ba istakao da je aranžman s MMF-om planski stopiran iz Bosne i Hercegovine, kako bi vlasti izbjegle da prije lokalnih izbora javnosti predoče na šta su se sve obavezali u usaglašenom pismu namjere u zamjenu za kredit MMF-a.

"Činjenica je da se neočekivano pojavio veliki prisak opozicije, a onda i medija i javnosti općenito te prepostavljam da se u ovom slučaju radi o političkoj odluci koja se može posmatrati i kao manipulacija", kazao je Magazinović.

Dodao je kako vjeruje da će se poslije izbora sve vratiti na polazne pozicije i da će kredit biti realizovan, a i "namjera vlasti da proda neka od profitabilnih javnih preduzeća".

Podsjećamo, Francisco Parodi, rezidentni predstavnik Međunarodnog monetarnog fonda u Bosni i Hercegovini, saopćio je da je davanje kreditnog aranžmana BiH odgođeno.



Zakon o liječenju neplodnosti biomedicinski potpomognutom oplodnjom možete pročitati na našoj web-stranici. Link preuzmite skeniranjem QR koda putem mobilnog aparata.



Reformska agenda je zloupotrijebljena za još jednu pljačku

U nedavnom intervjuu za magazin Dani, predsjednik SDP BiH Nermin Nikšić je istaknuo kako je reformska agenda u, suštini, samo paravan za još jednu pljačku građana, jer ni danas niko ne zna o kakvim se reformama radi.

„Reformska agenda je do te mjere zloupotrijebljena od trenutne vlasti za još jednu pljačku državne i radničke imovine, u njihovo režiji, a pod plaštom nacionalnih interesa, privatizaciju institucija i daljnje urušavanje svih koji nisu dio vladajuće kaste, da to više nije kredibilan dokument, a pogotovo nije dokument čiju bi provedbu na ovakav način trebalo podržati. Bojim se da je trenutna vlast zloupotrijebila dobru volju EU nastalu na bazi britansko-njemačke inicijative do mjere da i predstavnici ovih država svakim danom sve više shvataju da su prevareni.“

Inicijativa o oporezivanju toplog obroka i prevoza u FBiH je možda i najbolji dokaz

pljačke građana. Ova mjera trebala je da se uvede istovremeno sa smanjenjem doprinos-a. Cilj ove mjere je da se rasterete poslodavci, da fondovi, odnosno država zadrže jednakе prihode, a da radnici imaju veće plate. To je još planirala da uradi i Vlada koju sam ja vodio. Ovo što smo dobili je da će poslodavci imati veće namete, radnici manja primanja, a na dobitku će kao biti država, mada je i to kratkog datha jer će doći do otpuštanja i smanjenja lične potrošnje. Dakle, ovo je u potpunoj suprotnosti sa zdravim razumom, a da ne kažem kako samo potvrđuje odnos aktuelne Vlade prema svojim obećanjima, jer je direktno u suprotnosti sa proklamovanom reformskom agendom. Ovo je samo još jedan od poteza koji pokazuje bahatost i samodovoljnost aktuelne vlasti, od kojeg na kraju ni oni sami neće imati korist, da ne spominjem štetu koju će podnijeti radnici i poslodavci“, dodao je Nikšić.



Mostar je predmet trampe između SDA i HDZ-a


SDA i HDZ su odgovorni zato što politički subjekti iz Mostara nisu u prilici da predaju svoje kandidatske liste jer koriste Mostar kao predmet trampe između dvije stranke, poigravajući se sa građanima Mostara, istaknula je u potpredsjednica SDP-a, Lana Prlić u Dnevniku TV1.

Kada smo odlučili da budemo opozicija na svim nivoima vlasti rekli smo da ćemo podržati sve dobre inicijative za naše građane od strane aktuelne vlasti ali i biti alternativa vladajućim, napomenula je Prlić.

Smatra da je nedopustivo u BiH govoriti o podjelama koje mogu samo proizvesti rat dok sama kriza oko objave rezultata popisa govori u prilog tome da se u Bosni i Hercegovini više bavimo manje bitnim stvarima.

Istiće da će SDP na sljedećim izborima imati 40 posto mladih na izbornim listama, među 2100 kandidata i kandidatkinja. SDP na sljedećim izborima će imati oko 800 mladih ljudi ispod 25 godina.

Mišljenja je da bi se oni koji su Mostar doveli u takvu situaciju trebali povući iz pregovaračkih timova jer im dogovor očito ne ide.



Bez tranše MMF-a, aktuelna vlast je izgubljena

Nakon što je Međunarodni monetarni fond odgodio kreditni aranžman Bosni i Hercegovini burne su reakcije političara.

„Očito je da se nalazimo na rubu krize. Svima je jasno da su budžeti itekako ovisni o tranšama MMF-a i ja se bojam šta će se dešavati u narednom periodu. Neshvatljivo mi je kako smo mogli dozvoliti da dođe do ovoga“ – kaže Slaviša Šućur, delegat SDP-a u Domu naroda federalnog Parlamenta.

Problemi su evidentno veći nego što smo očekivali da će biti – tvrdi Šućur.

„Ne znam detalje pregovora i jedan od problema jeste to što su oni vođeni u tajnosti. SDP je tražio vanrednu sjednicu da o tome raspravljamo, da vidimo šta su zahtjevi, gdje su problemi – međutim, taj prijedlog je odbijen i sada smo u nezavidnom položaju“, dodao je Šućur.



Stotine građana na druženju u Srebrenici: Otvorenje šetališta Guber privuklo brojne ljubitelje prirode

U Srebrenici je na šetalištu Guber priređeno druženje građana. Povod za druženje je bilo otvaranje šetališta Guber nakon uređenja koje je uz pomoć općine Srebrenica i UNDP-a radilo komunalno preduzeće „Polet“ u proteklim mjesecima.

Domaćin druženja su bili SDP BiH Srebrenica i direktor komunalnog preduzeća „Polet“ Hakija Meholić, koji je istakao da je ovo prilika da se građani druže, razmjene mišljenje

i pokažu da je i u Srebrenici lijepo. Šetalište je napravljeno kao „park mira“ gdje svi ljubitelji prirode mogu uživati u ugodnoj šetnji ili rekreaciji. Na šetalištu se okupilo nekoliko stotina građana koji su uz roštilj i druženje proveli ugodno vrijeme. Druženju su prisustvovali i predsjednik SDP BiH Nermin Nikšić i aktivisti iz Forum-a mladih SDP BiH Sarajevo.



Želimo privući strane ulagače i nova radna mjesta

Tuzlanski gradonačelnik Jasmin Imamović kazao je u razgovoru za Faktor da je Tuzla danas jedan od najljepših, najboljih i za život najudobnijih gradova u BiH. On je istakao da ovaj grad ima najkvalitetnije komunalne usluge, te povećan interes investitora.

– Nastavljamo sa građenjem, a naše težište je na daljem zapošljavanju. Sigurno je da ćemo, računajući od 1. maja ove godine do 1. maja 2017. godine, imati više od 1.300 novih radnih mesta – kazao je gradonačelnik.

Interes investitora

Prema njegovim riječima, najveća prepreka za privlačenje ulagača i gradnju poslovnih objekata je zemljište, odnosno uvjeti za kupovinu zemljišta i gradnju.

– Danas imamo previše zemljišta u državnom vlasništvu koje je neizgrađeno ili se ne koristi u poljoprivredne svrhe, te nedovoljno radnih mesta sa nedopustivo visokom stopom nezaposlenosti, što predstavlja najveći problem u cijeloj BiH. Zato je potrebno višak zemljišta iskoristiti. Da bi se to postiglo i osigurao povoljan poslovni ambijent neophodno je da prvenstveno domaći, a potom i poduzetnici iz inostranstva, mogu doći po prihvatljivim uvjetima do povoljnog zemljišta za gradnju – kazao je Imamović.

Jedan od svjetlih primjera je BIT Centar koji je postao mini fabrika za zapošljavanje mlađih inženjera. Imamović kaže da tu mladi ljudi proizvode programe, softvere i prodaju ih širom svijeta, te da je do sada kreirano više od 440 radnih mesta.

– Što se tiče proizvodnje u tradicionalnom smislu, imamo najveći Razvojno-poduzetnički centar u BiH – Inkubator Lipnica, gdje je planirano upošljavanje minimalno 80 novih radnika. Kompanija turskog ulagača Abdurahmana Uvaka već ima oko 150 novouposlenih na proizvodnji igračaka, a najavljuje i otvaranje novih radnih mesta. Bingo će do

1. maja iduće godine u svom novom centru u ZOO parku i u dvije nove fabrike imati oko

700 novih radnih mesta, INTRAL BiH će u obućarskoj industriji imati još 150 novih radnih mesta. Dakle, imat ćemo do polovine iduće godine najvjerojatnije skoro 2.000 novih radnih mesta, pa ćemo zasigurno, do polovine 2020. stvoriti uvjete za daleko više od 4.000 novih radnih mesta – naglasio je.

Nedavno je počela i izgradnja mosta koji će povezivati užu gradsku jezgru i Panonska jezera. Imamović ističe da je ova pasarela spona dvije najveće pješačke zone u centru, kompleksa Slana banja i historijske gradske jezgre, čime Tuzla zapravo dobija jednu od najvećih pješačkih zona u okruženju.

Izgradnjom mosta, osigurana je i kvalitetna pješačka veza Centralnog gradskog parka sa kompleksom Panonskih jezera i autobuskim stajalištem uz ivicu sjeverne saobraćajnice. Idemo i u gradnju još jednog pješačkog mosta koji će povezati Stupine i Zlokovac – poručio je Imamović.

Novi projekti

Osim toga, u toku je rekonstrukcija jedne od najprometnijih gradskih ulica, Aleje Alije Izetbegovića i dijela ulice ZAVNOBiH-a, sa uređenjem kružnog toka na raskrsnici ove dvije ulice, zatim rekonstrukcija trotoara, pješačkih površina i arhitektonskih barijera u gradu, rekonstrukcija Vukovarske ulice i ceste Mramor – Stari Mramor.

– Radimo i sanaciji puteva u Kreki, Doknju, Kiseljaku i Lipnici, širimo vodovodnu mrežu u Križanima, Slavinovićima (Hukići, Galešići, Momanovo), Solini i Gornjoj Lipnici, uskoro počinje izgradnja pješačko-biciklističke staze uz Jalu, na dionici Sjenjak – hotel Tuzla. Već smo završili gradnju mosta u MZ Dobrnja, naselje Mazići – zaključio je gradonačelnik Tuzle.



Utvrđiti krivičnu odgovornost za nezakonito nametanje poreza privredi i radnicima

Nakon što su Vlada i Parlament FBiH odbili da stave van snage odluku o oporezivanju toplog obroka i regresa, što su od njih tražili sindikati, poslodavci, vijeće stranih investitora kao i opozicija, takva odluka koja je utemeljena na dva zakona koja su od strane Ustavnog suda FBiH proglašena neustavnim stupila je na snagu.

Niko nema pravo nametati bilo kakve nezakonite i neustavne finansijske obaveze preduzećima i građanima pa tako ni Vlada FBiH. Ovim potezom Vlada FBiH pokazala je svoj antireformske karakter i krajnju bezobzirnost prema radnicima kojima umanjuje primanja i tako ih direktno osiromašuje. Ovo je u potpunoj suprotnosti sa reformskom agendom u kojoj je jasno navedeno da će se ovo oporezivanje početi primjenjivati tek nakon što dođe do smanjivanja stope doprinosa kako ne bi došlo do smanjivanja primanja radnika. Od smanjenja doprinosa nema ništa i evidentno je kako Vlada FBiH jedino nastoji popuniti budžetske rupe, a da je cijena koju će zbog toga platiti građani i privreda uopšte ne interesuje. Ovo je vlada koja će ostati upamćena po tome što jedne nezakonito tjeraju da plaćaju, dok druge nezakonito oslobađaju od te obaveze.

Zbog ovakve politike Vlade FBiH, poslanici i delegati SDP više neće glasati niti za jedan prijedlog koji dolazi od Vlade koja očigledno djeluje suprotno interesima građana. Također, SDP će iskoristiti sve pravne mehanizme kako bi odluka o porezu na topli obrok i regres bila stavljena van snage. Istovremeno ćemo protiv odgovornih u Vladi podnijeti krivičnu prijavu zbog donošenja odluke koja je zasnovana na zakonima koji su od strane Ustavnog suda proglašeni neustavnim čime nanose štetu poslodavcima i radnicima.

SDP traži od poslodavaca da za razliku od Vlade pokažu razumijevanje i ne kažnjavaju radnike, ne umanjuju njihova prava zbog nelegalne Vladine odluke, te da na kraju traže nadoknadu štete od Vlade Federacije koju će im nanijeti ovakva odluka.



Velika
Sloboda

Cijena

Ukupno




**NA LISTAMA
SDP BIH
NALAZI SE**

861

**MLADI KANDIDAT I
KANDIDATKINJA!**

**NA SVIM NAŠIM LISTAMA
ZA LOKALNE IZBORE
NALAZI SE NAJMANJE**

40% MLADIH!



SDP BIH PREDAO KANDIDATSKE LISTE: SIGURNI SMO DA ĆE GRAĐANI NA IZBORIMA REĆI NE PODJELAMA

Socijaldemokratska partija BiH predala je kandidatske liste za Lokalne izbore na kojim se nalazi 45 kandidata za načelnike i gradonačelnike te 96 kandidata za općinska i gradska vijeća. Predsjednik SDP-a BiH Nermir Nikšić kazao je medijima kako imaju dva koaliciona kandidata sa DF-om u Lukavcu i Sanskom Mostu te sedam nezavisnih kandidata koje podržavaju. "Opredjeljenje i stav SDP-a je da na našim listama bude 40 posto mladih jer cijenimo da ovoj zemlji konačno trebaju novi ljudi koji će ući u politiku i promijeniti stereotipe i odnose koje imamo trenutno. Zakonska obaveza i obilježe SDP-a je multietničnost, u takvim sredinama smo napravili multietničke liste", rekao je Nikšić. Istakao je kako su uradili vrlo kvalitetne lokalne programe koji se baziraju na zapošljavanju

i razvoju lokalnih sredina.

"Ne spadamo u grupu ljudi koji kažu 'to nije nadležnost lokalne zajednice'. Smatramo da nijednom načelniku ili gradonačelniku nije zabranjeno da stvori uvjete za privlačenje investitora i privrednike za zapošljavanje lokalnog stanovništva. Sigurni smo da će građani na ovim izborima reći ne podjelama i politikama koje su trenutno na vlasti i dijele sve, od grada, preko škola do preduzeća. BiH treba jedinstvo bh. građana", rekao je Nikšić. Predsjednik SDP-a izrazio je nezadovoljstvo zbog toga što još nema odluke za Mostar te je rekao da se mora insistirati na traženju rješenja.

"Nemoguće je ostaviti ovakav grad i centar jednog kantona bez izbora osam godina i sada

ako se ne održe to će biti 12 godina. To je nedopustivo. Mi smo učinili sve što smo mogli", kazao je Nikšić.

Osvrnuo se i na objavljeni popis stanovništva kazavši kako će tražiti od Centralne izborne komisije BiH se spisak birača očisti i utvrditi tačan broj birača s obzirom na to da je prema popisu, kako kaže, ispalo da 70 posto općina ima više birača nego stanovnika.

"Nemoguća je ovakva disproporcija između biračkih spiskova i popisa stanovništva. Prije smo imali razne akcije u kojima smo 'skidali mrtve' sa spiskova i slično. Očito je da sada imamo veći problem nego što smo svjesni", rekao je Nikšić.



SDP KAO PRIMJER UNUTARSTRANAČKE DEMOKRATIJE

Istraživači s Fakulteta političkih nauka u Sarajevu ustvrdili su veoma usku vezi između unutarstranačke demokratije i izbornog sistema, što znači da bez reforme izbornog sistema neće doći ni do tako potrebne unutarstranačke demokratije – kazao je profesor na ovom fakultetu Suad Arnautović.

To je izjavio na okruglom stolu „Balkanska komparativna studija izbora: Utjecaj personalnog glasanja na unutarstranačku demokratiju“ koji je održan u Sarajevu, a na kojem su učestvovali predstavnici raznih političkih opcija u BiH. Istakao je da su u posljednje tri i po godine pratili nekoliko varijabli, kao što je način izbora predsjednika političkih stranaka, formiranje kandidatskih listi za državne funkcije i izbor unutrašnjih organa u strankama.

Također je naglasio da je potrebno izmijeniti izbornu formulu za računanje glasova u mandate, jer je zbog sadašnje formule došlo do usitnjavanja i atomiziranja političkog pluralizma, što znači da u vlasti učestvuje veliki broj političkih stranaka.

Zaključio je da je potrebno urediti način formiranja političkih stranaka, djelovanja, kontrole, finansiranja i raspuštanja stranki te da su sve te oblasti vrlo nesređene.

Sekretar Socijaldemokratske partije BiH Irfan Čengić kazao je da je ova politička opcija jedina u BiH koja je uvela sistem „jedan član – jedan glas“ te da su svi članovi imali priliku da biraju predsjednike ove stranke na svim nivoima.

Dodaje da je to jedini ispravni način, jer u suprotnom, ne može doći do demokratizacije

društva.

Govoreći o Izbornom zakonu, rekao je da on treba pretrpjeti mnoge promjene, kao što je promjena izbornih jedinica u Federaciji BiH, izborni prag koji je prema njegovom mišljenju vrlo nizak te donošenje zakona o političkim strankama.

Projekt „Balkanska komparativna studija izbora: Utjecaj personalnog glasanja na unutarstranačku demokratiju“ koji se provodi u BiH, Srbiji, Crnoj Gori i Kosovu, ima za cilj da ponudi akademski pristup istraživanju izbornih sistema te da doprinese debati o izbornim reformama u ovim zemljama.

**1član
glas**



Mladi u FBiH bez problema do prvog radnog iskustva

Na sjednici Zastupničkog doma Parlamenta FBiH usvojen je Prijedlog Zakona o izmjenama i dopunama Zakona o volontiranju Federacije BiH, koji je predložio SDP BiH.

Zakonom o volontiranju FBiH, lokalne zajednice se obvezuju da izvrše akreditaciju i omoguće volontiranje mladima i sticanje radnog iskustva, kako bi bili u mogućnosti polagati stručne i državne ispite, čime bi postali konkurentni na tržištu rada.

Da podsjetimo, Forum mladih SDP BiH je izradio javnu politiku „Radno iskustvo svima“ kojom je planirana izmjena Zakona o volontiranju FBiH. Javnom politikom je jasno naznačeno da svaka mlađa osoba može stići radno iskustvo u svojoj lokalnoj zajednici.

Nažalost, Parlamentarna većina SDA-HDZ-SBB na sjednici održanoj 18. maja je odbila da se politika uopće nađe na dnevnom redu. Tom odlukom vladajuća koalicija je stavila do znanja da ne mari za veliku nezaposlenost i masovno iseljavanje mladih osoba.

Forum mladih SDP BiH, smatrajući da je odluka degradirajuća za sve mlade osobe, je 14. juna pokrenuo aktivnost ponovnog sticanja podrške javnoj politici „Radno iskustvo svima“. Upućena su pisma svim zastupnicima u

Parlamentu Federacije BiH koji su na sjednici 18. maja glasali protiv toga da se ova javna politika ne nađe na dnevnom redu. U pismu, mladi SDP-a su upozorili na težak položaj mladih osoba u Bosni i Hercegovini, a u ovom slučaju u Federaciji BiH.

Nakon pritiska na zastupnike i očigledne potrebe za izmjenama, koje je Forum mladih SDP BiH obrazložio Zakonodavnoj komisiji Parlamenta FBiH, Zakon je uvršten na današnju sjednicu Parlamenta FBiH.

S obzirom na brojne izmanipulirane konkurse i natječaje, ovim Zakonom će se urediti ta oblast i biti pružena jednaka mogućnost svim mlađim ljudima (a ne kao do sad, samo probranim i podobnim) da nakon završetka školovanja svoje radno iskustvo steknu volontiranjem i dobiju šansu za zaposlenje.

Zakonom su također predviđene novčane kazne za općine/gradove koji ne izvrše akreditaciju i ne pruže mogućnost mladima sticanje radnog iskustva.

Forum mladih SDP BiH i SDP BiH žele spriječiti masovno iseljavanje mladog i obrazovanog kadra, a to možemo samo ako obezbijedimo svima jednak mogućnosti za zaposlenje.



Predstavljena ekomska platforma za predstojeće lokalne izbore

Na današnjoj sjednici Savjeta za ekomska pitanja Socijaldemokratske partije BiH predstavljena je Ekomska platforma za predstojeće lokalne izbore, koja sadrži detaljnu analizu dosadašnjeg razvoja lokalnih zajednica u BiH, sa primjerima dobrih praksi u lokalnom ekonomskom razvoju.

„Ekomska platforma također daje osnove za političko djelovanje kandidata za načelnike/gradonačelnike, djelovanje kandidata za općinska vijeća i odbornike u izbornoj kampanji, kao i za djelovanje SDP BiH prema građanima. Težišta pitanja koja platforma pokreće su unaprijeđenje zaposlenosti u lokalnim zajednicama, kako u obimu, tako i u kvalitetu poslova i visini plaća, reindustrializacija lokalnih zajednica, zasnovana na izvozu, građenje povoljnog poslovnog okruženja u lokalnim zajednicama, razvijanje socijalnog poduzetništva i unapređenje i intenziviranje javnih investicija. Sva ova pitanja se razmatraju u kontekstu rodne ravnopravnosti i socijalne inkluzije u lokalnim zajednicama“, naveo je dr. Anto Domazet, predsjednik Savjeta za ekomska pitanja SDP BiH.

U vezi sa nacrtom Zakona o penzijsko-invalidskom osiguranju stav SDP BiH je da ponuđeni nacrt nije dao rješenja za ispravljanje nepravdi koje su sadržane u postojećem Zakonu i koje posebno pogodaju penzionere sa punim radnim stažom, čije su penzije značajno devalvirane penzijskim reformama od 1999. godine naovamo.

„Iako su mnoga rješenja predložena u nacrtu zakona prihvatljiva za buduće penzionere, Zakon mora predložiti rješenja za unapređenje položaja sadašnjih penzionera. SDP BiH se odlučno protivi politici koja bi išla za smanjenjem doprinosa za penzijsko osiguranje i ukazuje na to da se uz efikasniju naplatu doprinosa od poreskih obveznika u velikoj mjeri može stabilizirati penzijski sistem. Primarna je uloga vlade da osigura da posto-



Edukacija kandidata i kandidatkinja za Lokalne izbore 2016

U Sarajevu, o organizaciji Socijaldemokratske partije SDP BiH održana je edukacija trenera i trenerica koji će imati zadatku da po povratku u svoje lokalne zajednice održe edukacije za sve kandidate i kandidatkinje SDP BiH za predstojeće lokalne izbore. Trening je otvorila sekretarka za edukaciju Jelena Pekić, prezentujući plan i program rada edukatora/ica na terenu.

Fokus edukacije za kandidate i kandidatkinje će biti izborni program SDP BiH i nadležnos-

ti jedinica lokalne samouprave sa stanovišta prenošenja političke poruke, on line kampanja i terenska identifikacija birača, a o čemu su na treningu govorili generalni sekretar Irfan Čengić, politički direktor Damir Mašić, sekretar KO Sarajevo Predrag Puharić i koordinator službe za odnose sa javnošću i marketing Malik Garibija.

Planirano je da se sve edukacije kandidata i kandidatkinja održe u drugoj polovini jula i tokom mjeseca avgusta.



HERCEGOVACKO-NERETVANSKI KANTON



Budžetsko zapošljavanje svojih kadrova je prioritet vladajućim strukturama iz SDA, HDZ i SBB

Ovih dana smo svjedoci kako Vlada HNK po hitnom postupku kreće u zapošljavanje ljudi u ministarstva i agencije, što su potvrdili svojim zaključkom od 30.06.2016 godine. Izbori se bliže i osiguravanje dodatnih glasova, kroz budžetsko zapošljavanje, je prioritet vladajućim strukturama iz SDA, HDZ i SBB. Nije im važno što građani nemaju gdje da se liječe, nije im važno ni što Skupština HNK faktički i ne funkcioniše, nije im važno ni što cijeli kanton živi na apartima i što ništa od brojnih obećanja nisu ni pokušali ispuniti.

Ipak kap koja prelijeva čašu, a dešava se u tišini i daleko od očiju javnosti, je Fabrika duhana Mostar. Taj spomenik vladavine SDA i HDZ i njihovog tornada kroz mostarsku privredu ovih dana dobija završni udarac ove ubojite grupacije. Nakon što su prije skoro desetak godina ugasili proizvodnju u ovoj fabrići, što je jedinstven slučaj u svijetu, danas su odlučili da joj po oprobanom receptu nam-

jene sudbinu brojnih mostarskih preduzeća. Praveći se da niko ništa ne vidi, vladajuće strukture žmure na svakodnevno uništavanje nepokretne imovine Fabrike duhana Mostar, a sa ciljem obaranja njene vrijednosti, kako bi je neki tajkun kupio za jednu marku. Prvo je skinuta kapija, zatim se desio požar, a ovih dana smo svjedoci svakodnevnog pljačkanja svega što je u objektu preostalo, a može se uništiti i prodati za sitne pare.

Vlada Federacije Bosne i Hercegovine je Fabriku duhana Mostar planirala prodati ove godine i pitamo se za čiji interes i zbog koga se uništava imovina ovog preduzeća? Ko je stranački tajkun koji je bacio oko na najstarije mostarsko preduzeće? Kakav tržni centar ili neki drugi objekat tu misli da otvoriti? Šta radi MUP Hercegovačko-neretvanskog kantona i zašto ne zaštititi državnu imovinu ili se bave samo nabavkom vozila?



USK

SDP BiH Bihać obilježio 107 godina socijaldemokratije u BiH

Gradska organizacija SDP BiH Bihać svečanom akademijom obilježila 107 godina postojanja socijaldemokratske ideje u Bosni i Hercegovini. Sinoćnom svečanom akademijom u prepunoj sali Muzeja Prvog zasjedanja AVNOJ-a u Bihaću, Gradska organizacija SDP BiH Bihać, obilježila je 107 godina postojanja SDP BiH.

Svojim prigodnim govorom prisutnim članovima i simpatizerima obratili su se predsjednica GO SDP BiH Bihać i nositeljica liste za Gradsko vijeće Grada Bihaća dr. sc. Fatka Kulenović, te predsjednik KO SDP BiH USK i kandidat za gradonačelnika grada Bihaća dr. Hajrudin Havić.

Ovo je bila prilika da se uruče članske karte SDP BiH novim članovima, i to njih preko 200,

koji su prepoznali SDP BiH i socijaldemokratsku ideju kao element garanta opstojnosti i egzistencije Bosne i Hercegovine i njenih naroda i narodnosti koji u njoj žive.

Posebno emotivan dio akademije je bio onaj, kada su porodicama istaknutih članova Gradske organizacije SDP BiH Bihać dodjeljivane plakete za doprinos razvoju socijaldemokratije u gradu Bihaću od nezavisnosti Bosne i Hercegovine do danas. Pa je tim povodom Gradska organizacija SDP BiH Bihać sačuvala svoje uspomene na lik i djelo Huseina Dupanovića, Matu i Marka Šimića, Jusufa Felića, Damira Bajrića i Adnana Delića. Iz usta prisutnih se sinoć mogla čuti rečenica, kako Gradska organizacija SDP BiH Bihać, organizacijom ovakvih događaja njeguje "štih" gradske opcije u gradu Bihaću. Svojim glasom prisutne je zabavljala mlada bišćanka Nejra Karabegović.



KANTON SARAJEVO

Edita Sulejmanović na obilježavanju 73. godišnjice Bitke na Sutjesci

Kandidatkinja za načelnicu Općine Novi Grad Sarajevo Edita Sulejmanović, na poziv Udruženja boraca i antifašista ove općine, prisustvovala je obilježavanju 73. godišnjice legendarne Bitke na Sutjesci na Tjentištu.

Delegacija OO SDP Novi Grad Sarajevo, kao i brojna antifašistička udruženja iz svih krajeva bivše Jugoslavije, položili su cvijeće i odali počast partizanskim borcima koji su dali svoje živote za slobodu i jednakost svih naroda i narodnosti bivše Jugoslavije.

Prva proleterska divizija je 10. juna 1943. godine u srednjem toku rijeke Sutjeske nadljudskim naporima izvršila proboj iz njemačkog obruča što je bio presudan čin za krajnji ishod tridesetodnevne bitke u kojoj su Hitlerovojoj vojnoj mašineriji naneseni značajni gubici.

„Obilježavanje ovog i sličnih datuma iz perioda naše slavne antifašističke borbe imaju posebnu težinu i značaj za današnje generacije i čitavo društvo budući da, povampirene fašističke snage prikrivene u raznim oblicima, svim silama pokušavaju relativizirati povijest i time izjednačiti zločinu i žrtvu. U tom smislu, za početak je neophodno usvojiti državni zakon o zabrani svih fašističkih i drugih organizacija koje su utemeljene na ideologiji rasne, vjerske ili političke mržnje i netrpeljivosti”, naglasila je Sulejmanović dodavši da su pojedine stranke, mahom iz Republike Srpske, već nekoliko puta u državnom parlamentu blokireme usvajanje ovakvog zakona što dovoljno govori o njihovim iskrenim namjerama”, istakla je Edita Sulejmanović, kandidatkinja za načelnicu općine Novi grad.

ZE-DO



Mirsad Ćivić kandidat za gradonačelnika Zenice

Vijećnik i šef Kluba vijećnika Socijaldemokratske partije Bosne i Hercegovine (SDP BiH) u Gradskom vijeću Zenica Mirsad Ćivić izabran je za SDP-ovog kandidata za poziciju gradonačelnika Zenice. Ćivić je rođen 1962. godine i dugogodišnji je član SDP-a. Svoj doprinos radu i funkcioniranju Gradske organizacije SDP Zenica pružao je kroz aktivan angažman u Gradskom i Kantonalnom odboru. Od 2006. do 2014. godine obavljao je funkciju potpredsjednika Gradske organizacije SDP BiH Zenica.

Po zanimanju je diplomirani inžinjer šumarstva, zaposlen je kao rukovodilac Poslovne jedinice Šumarija Zenica, saopćeno je iz GO SDP BiH Zenica.



107 GODINA SOC SDP BIH - 107 GODINA NA

SVEČANA AKADEMIJA

29. JUNI U 18:00 - BOSANSKI KULTURNI



SOCIJALDEMOKRATIJE U BIH

PRAVOJ STRANI HISTORIJE

II CENTAR, SARAJEVO



GODINA SOCIJALDEMOKRATIJE
U BOSNI I HERCEGOVINI





USK

Sporazum o sufinansiranju projekta za utopljavanje Osnovne škole "Ključ"

Dana 15. juna 2016. godine u prostorijama Vlade Unsko-sanskog kantona u organizaciji Ministarstva za građenje, prostorno uređenje i zaštitu okoliša Unsko – sanskog kantona upriličeno je potpisivanje Sporazuma o sufinanciranju između Razvojnog programa Ujedinjenih nacija (UNDP) i Ministarstva za građenje, prostorno uređenje i zaštitu okoliša u svrhu implementacije projekta pod nazivom „Povećanje energetske efikasnosti javnih objekata Unsko-sanskog kantona“, te Sporazumi o sufinanciranju projekata između lokalnih zajednica Unsko-sanskog kantona i UNDP-a. Obzirom da su odabrani objekti za ulaganja u 2016. godini i usaglašen modalitet za njihovo sufinansiranje, ukupna vrijednost danas su potpisanih sporazuma iznosila je 1.275.000 KM, a sufanciranje je dogovoren u omjeru od 33% za svakog od potpisnika. Sporazum je ispred Ministarstva za građenje, prostorno uređenje i zaštitu okoliša potpisao

ministar Tahir Nuhić, a ispred UNDP zamjenica Rezidentne predstavnice u BiH Zahira Virani.

Općina Ključ je ovom ministarstvu aplicirala s projektom energetske efikasnosti u Osnovnoj školi "Ključ", tako da će i ova škola u našoj općini nakon Mješovite srednje škole u Ključu i Osnovne škole u Sanici biti sanirana kako bi došlo do uštede energenata i smanjenja potrošnje istih. Planirano je da se izvrši zamjena postojeće stolarije na školi koja je dotrajala, te krov. Ovim projektom općina Ključ pokazuje da je spremna poboljšati uslove rada nastavnika i učitelja, te adekvatno pohađanje nastave naših najmlađih stanovnika i da će Općina Ključ i dalje nastojati s rješavanjem prioritetnih projekata u obrazovnom sektoru, a koji su predviđeni i Strategijom razvoja općine Ključ 2014-2023., kazao nam je Općinski načelnik, Nedžad Zuković.



SBK

SDP BiH Jajce je protiv podjela u obrazovanju

OO SDP BiH javno iskazuje podršku učenicima i roditeljima u prepoznavanju segregacijske i diskriminacijske namjere vladajuće političke garniture u našem kantonu.

Kako smo u proteklom periodu bili najglasniji protivnici podjela u obrazovanju, i ovaj put ćemo preko naših zastupnika u kantonalnoj skupštini poduzeti sve mjere za prevazilaženje ovog problema uz konkretnu inicijativu koja bi morala biti prihvatljiva za sve strane.

Iako je članom 18 Ustava SBK/KSB propisano je kako je Kanton SBK/KSB nadležan za „utvrđivanje obrazovne politike, uključujući donošenje propisa o obrazovanju i osiguravanju obrazovanja“, očekujemo kako će predstavnici svih političkih stranaka na području općine Jajce preko svojih zastupnika u Skupštini SBK/KSB utjecati na pronašetak zajedničkog i prihvatljivog rješenja kako bi naša djeca prestala biti instrument za politička potkusurivanja.

Napominjemo kako smo još na tematskoj sjednici Skupštine kantona održanoj 22.04.2013. godine uputili prijedloge da se, za početak kroz pristup racionalizacije škola, uokviri jedna administracija za dva nastavna procesa uz poštivanje nacionalnog balansa koja bi kasnije, uz izmjenu zakonske regulative, omogućila uvođenje zajedničke jezgre nastavnih planova i programa za zajedničko pohađanje nastave učenika svih nacionalnosti za sve predmete osim tzv. nacionalne grupe predmeta. Iako nismo išli populistički i ultimativno, već u skladu sa realnim mogućnostima kako bismo napravili kompromis između zahtjeva struke i zahtjeva politike, za taj zaključak glasali su samo zastupnici SDP i dva nezavisna zastupnika Blaženka Lukić i dr. Muhamed Čurić, dok su SBB, SDA, SBiH, HDZ, HDZ 1990, NS RZB i HSS-NHI bili protiv ili suzdržani.



KANTON SARAJEVO

KO SDP BiH Sarajevo osuđuje fizički napad zastupnika BOSS-a Rasima Smajića

Kantonalni odbor Socijaldemokratske partije Sarajevo oštro je osudio incident i fizički napad zastupnika BOSS-a Rasima Smajića na Predraga Kojovića, koji se desio danas na sjednici Skupštine Kantona Sarajevo.

Sloboda govora, iznošenje stavova, sloboda političkog djelovanja je pravo za koje se svakodnevno borimo i nikada ne smiju biti doveđeni u pitanje.

Za napad i nasilje nikada nema opravdanja, a naročito ga ne smije biti u institucijama države, koje trebaju biti mesta gdje tolerancijom, dijalogom, međusobnim uvažavanjem hoćemo i moramo rješavati nesporazume. Dajemo podršku napadnutom kolegi iz parlamentarne klupe i tražimo sankcije za zastupnika koji se pokazao nedoraslim za funkciju koju su mu glasači povjerili na izborima.

U Bugojnu peticija protiv etničkih podjela djece u Jajcu

Danas u organizaciji OO SDP BiH Bugojno i Forum mladih OO SDP BiH Bugojno organizovano je potpisivanje peticije podrške građana Bugojna Vijeću učenika srednjih škola iz Jajca u njihovoj akciji "Protiv etničkih podjela djece u Jajcu", a time i protiv podjela učenika u obrazovnom sistemu po etničkom i jezičkom principu u na prostoru cijelog SBK /KSB.

Građani Bugojna su bili veoma zainteresirani za ovu temu te su svojim potpisima jasno izrazili svoj stav i mišljenje protiv etničkih podjela i segregacije djece u obrazovnom sistemu.



Gradsko vijeće SDP Tuzla i gradonačelnik Imamović pokrenuli pitanje političke odgovornosti

SDP Tuzle, gradski vijećnici SDP-a i gradonačelnik Imamović, ogorčeni su zbog masovnog zapošljavanja bez konkursa, u UKC Tuzla i druge kantonalne ustanove.

Ovo pitanje, vijećnici SDP-a Tuzle, već su pokrenuli na nedavnoj sjednici Gradskog vijeća. I na narednoj sjednici SDP će nastaviti ovu raspravu. Za masovno zapošljavanje bez konkursa u zdravstvu TK, SDP pravno i politički najodgovornijim smatra SBB ministra zdravstva, Bahrudina Batu Hadžiefendića, direktora UKC-a Nešata Hotića i premijera TK Begu Gutića. Političku odgovornost za ovaj cirkus, svakako ne mogu izbjegći predsjednici KO SDA i SBB-a, Kukić i Hadžimehmedović.

SDP se neće miješati u rad neovisnih organa pravosuđa i govoriti im šta treba da rade i neće, kao što je to učinio svojim saopštenjem DF, prešućivati ime najodgovornije osobe za zdravstvo tj. ministra zdravstva TK. SDP se pita, da li DF prešućuje ime ministra zdravstva iz razloga što brat visokog funkcionera DF-a, Damira Bećirovića, radi kao šef pravne

službe farmaceutske kuće iz koje dolazi ministar zdravstva TK, možda i zato da ova farmaceutska kuća što prije naplati višemilionsko potraživanje od UKC-a Tuzla. Zato mnogi misle da su braća Bećirović insistirala da DF isturi protivkandidata Imamoviću, kako bi Imamović izgubio glasove dijela lijevo orientiranih birača, a sve u korist SBB-ovog kandidata za gradonačelnika Tuzle, sadašnjeg ministra zdravstva TK.

SDP Tuzle želi da vjeruje da Željko Komšić i većina članstva DF-a, nisu upoznati sa tjesnim interesnim vezama braće Bećirović, sa farmaceutskim lobijem iz kojeg dolazi aktuelni SBB ministar zdravstva.

Danas, kad se suočavamo sa najvećim problemom našeg društva, velikom nezaposlenošću, jedini legalan i pošten način je zapošljavanje putem konkursa i to odabirnom kandidata sa najviše bodova. Tako radi Gradska uprava Tuzle, što je lako provjeriti u Agenciji za državnu službu FBiH.

REGIJA BRČKO



Neprimjerene izjave Siniše Milića nakon objave rezultata popisa stanovništva

Porazavajuće je i neprimjereno da član Vlade Brčko distrikta BiH daje neodgovorne izjave kako se rezultati popisa neće moći primijeniti u Brčko distriktu BiH. On ponavlja rječi svog predsjednika Dodika, da rezultati nisu tačni, zbog nerezidentnih stanovnika popisanih u RS. Kao Šef odjeljenja za javni registar morao bi znati da se takvih, nerezidentnih stanovnika, u Brčko distriktu BiH na biračkim spiskovima u ranijim izbornim ciklusima pojavljivalo čak 20 do 30 hiljada. Zaboravio je Milić, takođe, autobuse koji su iz susjednih opština dovozili građane (nerezidentne) u Brčko na birališta da glasaju. Milić čak otkri-

va "spektakularni" projektovani plan da će u narednih deset godina u Bosni i Hercegovini biti još 10 posto više bošnjačkog stanovništva.

Gospodine Miliću, vratite se Vi svom poslu i počnite da razmišljate kako ćete u saradnji sa Opštinskom izbornom komisijom organizovati fer i poštene izbore. Pokušajte eliminisati problem većeg broja birača od broja popisanog stanovništva. Validnost popisa će potvrditi neki drugi, mnogo odgovorniji faktori od vas.

Ali molimo, bez prebrojavanja krvnih zrnaca. Dosta više toga, okrenimo se budućnosti. Mi u Socijaldemokratskoj partiji Organizaciji za Brčko distrikt BiH iz objavljenog popisa stanovništva crpimo mnogo više ozbiljnih podataka koje vi još uvijek niste u stanju, zbog nacionalnog sljepila, ozbiljno sagledati.



Proglas SDP-a Živinice povodom 107 godina socijaldemokratije

OO SDP Živinice održao je press konferenciju povodom 107 godina socijaldemokratije u Bosni i Hercegovini. Novinarima je povodom ovog događaja govorio kandidat za načelnika općine Živinice na predstojećim lokalnim oktobarskim izbri- ma dr.Samir Kamenjaković, koji je istakao uloge ove političke partije u razvoju socijaldemokratije u BiH.


Dug je put koji su socijaldemokrati prešli, od osnivačkog kongresa i prvih borbi za radnička prava, preko organizovanja otpora fašističkom okupatoru, predvođenja zemlje u vremenima najintenzivnijeg razvoja, učešća u odbrani države, do današnje borbe protiv nacionalizma, podjela i tranzicijske korumpirane vlasti.

Dan socijaldemokratije u BiH je prilika da se prisjetimo najsvjetlijih trenutaka naše prošlosti, najtežih borbi, najdražih uspjeha, najboljih drugarica i drugova. Spremimo se zajedno za nova iskušenja i nove pobjede koje su pred nama.

"Nikada kao sada nije potrebna socijaldemokratija na ovim prosotorima, da se suprotstavi ludilu nacionalizma i očoglednih priprema napačenih naroda za nove sukobe. Mi hoćemo i možemo zajedno sa građanima, da se borimo za bolje sutra, za sve nas, ma ko to bio. Pod barjakom crvenim jednako i praveodnosti i nakon 107 godina osjećamo se mladim i spremnim da našim narodima donešemo željenu pravdu", istakao je Kamenjaković.

Nakon održane press konferencije članovi SDP Živinice prošetali su se ulicama grada, razgovarali sa građanima i dijelili proglašenja povodom 107 godina socijaldemokratije u BiH.





Komandant Štaba NATO-a u BiH u posjeti Gračanici

Općinu Gračanica posjetila Giselle Wilz, komandant Štaba NATO-a u BiH sa delegacijom. Posjeta predstavlja prvu posjetu rukovodstva NATO-a općini u historiji Gračanice. Posjeta je počela prijemom komadanta Wilz u kabinetu općinskog načelnika Nusreta Helića.

Tom prilikom, općinski načelnik je predstavio osnovne karakteristike općine, političko-bezbjedosnu situaciju, privrednu strukturu, glavne projekte sradnju sa susjednim općinama u Federaciji i RS-u, sa razvojem nevladinog sektora i vizijom razvoja općine.

Komandant štaba, brigadni general Wilz, istakla je sljedeće:

"Danas sam imala priliku da se susretjem sa načelnikom Gračanice, nakon što sam čula pozitivne komentare o općini Gračanica. Interesatno je i veoma lijepo čuti ovakvu priču i uvjeriti se da je ono što su mi govorili zapravo tačno. U Bosni i Hercegovini ima sredina, koja može biti primjer drugima, kako treba raditi. Vaša orientacija ka budućnosti, za razliku od ostalih sredina u Bosni i Hercegovini govori da bi općina Gračanica već mogla ući u Evropsku Uniju i NATO."

Na pitanje Wilz, koja je prva žena na čelu Šta-

ba NATO-a u BiH, koji je recept za uspjeh, da li su to kvalitetni ljudi ili nešto drugo, općinski načelnik Helić je odgovorio:

"Prije svega partnerski odnos sa privrednicima, činjenica da nismo opterećeni nacionalizmom i da smo orijentisani na budućnost je naš recept da idemo naprijed. Općina Gračanica mnogo radi na unapređivanju i uspostavljanju partnerstva sa poduzetnicima, izgradnjom industrijske zone, mi razmišljamo poduzetnički. Koristili smo iskustva bratimljenih gradova, francuskih, italijanskih i turskih, te smo posebno ojačali Odjel za razvoj, koji nam godišnje donosi od pet do deset miliona KM te na taj način unapređujemo infrastrukturu. Ove godine, radimo veliki projekata gradskih kolektora, koje smo doveli do mjesta gdje planiramo graditi fabriku za prečićavanjem, pri čemu ćemo tražiti pomoć Evropske Unije. Kvalitetno je riješeno pitanje vodosnabdijevanja, petnaest godina nemamo redukcije a sada smo ušli u projekt istražnih bušotina. Sve mjesne zajednice su povezane kvalitetnom putnom infrastrukturom a radimo i na jačanju kapaciteta mjesnih zajednica", rekao je Helić

Zašto se ne rješavaju problemi u komunalnoj infrastrukturi u Općini Goražde?

Dugo smo imali dilemu kako, kojom rečenicom da započnemo ovo obraćanje javnosti. Rečenicom u kojoj će biti izražena naša ljutnja. Ili rečenicom koja će svjedočiti o našem razočarenju. Rečenicom koja sadrži naše neslaganje sa onim što nam se dešava?

Zašto – dilema? Zato što su u nama prisutni svi pomenuti osjećaji. Odlučili smo da kažemo sve, našu ljutnju, naše razočarenje i naše neslaganje sa činjenicom da smo u proteklih desetak dana uskraćeni za jedno od osnovnih ljudskih prava, pravo na pitku vodu?

Kako građanima koji žive u potkrovnim stanovima objasniti razloge silnih problema koje su imali tokom padavina ili vlasnicima trgovackih, ugostiteljskih i zanatskih radnji u centru grada čija je imovina gotovo uništena. Kako drugačije da reagujemo kao građani i građanke grada iz koga u svijet odlaze vijesti o isključenjima u snadbjevanju vode i gotovo u isto vrijeme slike koje pokazuju srce grada pod vodom. Kako drugačije da reagujemo kada ni za jedno ni za drugo nema odgovora niti racionalnog objašnjenja. Mi imamo pravo da pitamo, kako je moguće da, uz svu silnu priču o poboljšanju kvaliteta usluge vodosnabdijevanja i ogromne sume novca koje su u tu svrhu utrošene posljednjih godina i kroz ulaganje u Javno komunalno preduzeće „građani u samo nekoliko dana više puta nemaju pitku vodu. Zapravo najčešće nemaju nikavu vodu. Kako je moguće da se već godinama ponavljaju iste scene, kada pada kiša, grad je



Park-šume Mojmilo ne smije biti okupljalište narkomana

Klub vijećnika SDP BiH u Novom Gradu je do sada uputio bezbroj inicijativa i prijedloga u prethodnom mandatnom periodu, no, nažalost, većina ih je odbijena prostom matematikom, glasanjem „protiv“ samo zato jer dolaze od SDP-a, dok su pojedini projekti koji su započeti u vrijeme kada je načelnik opštine bio iz SDP-a realizovani kao njihovi. Paralelno tome, SDP nikada nije bio opozicija dobrim idejama i svaki prijedlog koji je išao za dobrobit građana, bio je bezrezervno podržan.


Jedan od primjera zanemarenosti od strane lok-

alne uprave je Park-šuma Mojmilo, oaza mira koja se nalazi samo deset minuta udaljenosti od sjedišta naše Opštine. Projekat je imao za cilj i edukaciju posjetitelja koji bi se edukativnom stazom i sadržajem, upoznavali o biodiverzitetu, što je posebno značajno za naše najmlađe sugrađane, školarce kao i šticienike raznih ustanova, koji bi za kratko vrijeme pojedine časove u školskim klupama zamjenili sa časovima i edukacijom u prirodi, uzimajući u obzir blizinu lokacije te europske prakse sve popularnijih škola u prirodi.

Danas, dvije godine nakon što je Gradska uprava Grada Sarajevo usvojila Regulacioni plan Mojmilo, Park-šuma Mojmilo na sve više liči osim na ono što je planirano. Nemamo pomozno najavljenih sadržaja poput vidikovca i astronomskog opservatorija, dobili smo samo zaušten prostor sa uništenim info pločama na edukacijskoj stazi, a jedina aktivnost do sada bila je kosidba pješačke staze ovog novogradskog prirodnog dragulja.

Približavanjem oktobarskih lokalnih izbora ponovo se aktualiziraju iste priče, iste ideje, koje najčešće završe bez realizacije.

SDP BiH Novi Grad Sarajevo je u svojim programskim aktima prepoznao okoliš kao bitnu granu opštег interesa stanovnika najmnogoljudnije sarajevske opštine, te će u narednom periodu svakako biti jedan od prioriteta u našem radu kako bi građanima omogućili životne uslove kakve uživaju stanovnici europskih metropola.



Pozivamo ministra finansija u Vladi TK da podnese neopozivu ostavku zbog neisplaćivanja dječijeg doplatka

Kantonalna organizacija SDP BiH Tuzla pozvala je danas ministra finansija Tuzlanskog kantona, Jakuba Suljkanovića da podnese neopozivu ostavku na tu funkciju zbog nesposobnosti da s pozicije koju obnaša učini sve da se izvrši isplata čak deset zaostalih dječijih doplataka u minimalnom iznosu od 20 KM, za nešto oko 20.000 korisnika ove vrste socijalne pomoći u TK.

KO SDP BiH Tuzla sa gnušanjem odbacuje posljednju izjavu resornog ministra Suljkanovića datu za N1 u kojoj je naglasio da „Vlada TK ne može odgovoriti na sve obaveze“, time nesporno aludirajući na isplatu dječijeg doplatka u mizernom iznosu od 20 KM. Podsjetimo, resorni ministar je u izjavi za N1 kazao sljedeće: – “Trenutne naše rasporede obaveze su oko 70 miliona maraka. Mi ne možemo odgovoriti na sve ove obaveze. Moramo pokušati održati ustavom osnovne funkcije kantona da ne bi urušili čitav sistem”. Ovakav odnos ministra financija TK a samim

time i Vlade TK prema najmlađim stanovnicima je krajnje neobziran jer isplata dječijeg doplatka nebi trebala biti obaveza već potreba. Umjesto financiranja koncerata i sportskih aktivnosti, Vlada TK, odnosno koalicioni partneri SDA i SBB moraju imati više socijalnog sluha za djecu u Tuzlanskom kantonu. Nešto ranije, povodom posljednjeg mirnog protesta majki iz Tuzlanskog kantona zbog neisplaćivanja dječijeg doplatka, KO SDP BiH Tuzla pozvao je aktuelnu vlast (SDA-SBB) da bez pogоворa i dalnjih odlaganja izvrši uplatu dječijeg doplatka majkama u Tuzlanskom kantonu. Podsjćamo javnost da više od 20.000 korisnika dječijeg doplatka na području Tuzlanskog kantona svaki mjesec očekuje sredstva u visini od 20 KM. To vrlo često nije dovoljno za osnovne životne namirnice ni za dva, tri dana, a dodatni problem predstavlja što dječiji doplatak kasni već deset mjeseci, što roditeljima otežava ionako tešku situaciju.



Vladajuća koalicija u HNK je ogledalo nebrige za zdravstvo građana

Blokada bolnica od strane poreske uprave predstavlja potez koji sve posljedice decenijske loše politike u upravljanju zdravstvom prebacuje, u potpunosti i isključivo, na pacijente i zdravstvene radnike.

Svjedočimo potezima vrhunskog političkog pragmatizma vladajuće koalicije, koja je odlučila da godine nerada njihovih stranaka i prethodnih kadrova, prelomi potezom opasnim za život građana Hercegovačko-neretvanskog kantona, bez da se vidi namjera aktiviranja instrumenata sistema, koji trebaju utvrditi čija je odgovornost za stanje u kojem smo se danas našli. U HNK više nema straha od epidemija. Ovdje je svaka bolest smrtonosna. Vlast nam poručuje da nije istina kako se u HNK zdravstvene usluge naplaćuju. Ovdje možete da umrete potpuno besplatno.

Nevjerovatno zvuči da Vlada HNK, koja se mjesecima hvali stabilnošću javnih finansijskih, nije u stanju značajnije intervenisati u sanaciji određenih dugovanja bolnica, kako bi sistem nastavio funkcionisati u interesu društvene zajednice i njenih građana. SKB sam nije u mogućnosti popraviti aparat srce-pluća jer ga vlast finansijski ne podržava. Vladajuća koalicija, ovakvom nebrigom, ispunjava predizborna obećanja građanima, poručujući im da je i infarkt, kakav god bio, ipak od srca.

Očigledno je da su tematske sjednice po pitanju zdravstva bile isključivo politički marketing, koji za rezultat nisu imali niti jednu ozbiljnu namjeru niti mjeru za poboljšanje uslova zdravstva, što je više nego potvrđeno posljednjih dana. Tematskim sjednicama su valjda htjeli da građanima predstave kako je medicina u HNK izuzetno napredovala. Nema više bolesti od koje čovjek ne može da umre. Za vlastodršce je život jeftin, samo mu je održavanje skupo.

Danas smo svjedoci kako je model nacionalno podijeljenog zdravstva doživio kolaps na ekonomskim principima te smo svi zajedno odgovorni da kreiramo novi model organizacije, koji će biti karakteriziran savjesnim upravljanjem, održivim finansiranjem i stalnom borborom protiv korupcije. I dok bolnice grčaju u dugovima, a pacijente šaljemo u druge kantone na liječenje, za to vrijeme oni koji su najodgovorniji za stanje bolnica šalju svoje ljude direktno u ministarstva i agencije, daleko od očiju javnosti, zapošljavajući stranačke ljude i opterećujući budžet koji bi se mogao iskoristiti i za sanaciju dijela duga bolnica.

Njima je očito mnogo važnije novac preusmjeriti u predizborni zapošljavanje vlastitog biračkog tijela nego u stvarne potrebe građana HNK. Niti jednoj od vladajućih stranaka nije ni na kraj pameti da se odluci na taj potez jer njima je stranačko upošljavanje i upravljanje milionima u kantonalnim zdravstvenim fondovima ispred zdravlja i interesa građana.

Gradska izborna komisija Zenica pod kontrolom SDA?!

Zbog istine i objektivnosti, a u cilju skretanja pažnje građanima na aktualne probleme u Zenici, smatramo potrebnim osvrnuti se na sjednicu Gradskog vijeća Zenica, od utorka 16. juna.

GO SDP BiH Zenica izražava duboke sumnje u nepristrasnost, objektivnost i regularnost rada Gradske izborne komisije. Naime, na posljednjoj sjednici GV, za v.d. predsjednika GIK-a imenovan je gospodin Nihad Pašalić, inače predsjednik Kadrovske komisije SDA. Smatramo da je to direkstan uticaj na nezavisan i nepristrasni rad GIK-a, iako se SDA poziva na činjenicu da se ne radi o kršenju Izbornog zakona. Ipak, nameću se pitanja da li je to moralno i etički, da li su moral i etika nešto o čemu čelnici SDA u ovom slučaju ne vode računa? GO SDP Zenica je zabrinut jer građani Zenice na predstojećim lokalnim izborima, nažalost, ne mogu očekivati nepristrasnu i objektivnu gradsku izbornu komisiju, pa se i oštro protivi ovakvom imenovanju. Znatno bolje i korektnije rješenje bi bilo da za tu funkciju bude predložena sljedeća osoba po broju glasova na provedenoj konkursnoj proceduri. Ovako, sa Pašalićem na čelu GIK-a, SDA želi direktno uticati na rad toga tijela.

Obzirom da su na posljednjoj sjednici GV razmatrani izvještaji javnih preduzeća Grada Zenica moramo dati i svoj osvrt na stanje u

JP Grijanje. Smatramo da je situacija u ovom preduzeću dotakla dno dna, a da su za to krive stranke na vlasti i njihovi rasipnički i neodgovorni direkotri. Grijanje ostaje nerješiva enigma za njih pa i ne čudi što neki SDA vijećnici kukavički pokušavaju za to okriviti sve vijećnike. Aktualni SDP-ovi vijećnicisu uvijek su bili protiv izvještaja, jer se u Grijanju nije dobro radilo. Nudili smo i rješenje problema, prije tri godine na način da se zagrijanje grada vrši iskorištavanjem kotlova kolektorske čeličane, što se ove godine pokazalo i korisnim. I prije četiri godine predlagalismo korištenje vrele vode iz kakanjske Termoelektrane, ali gradska politika i ljudi koji su je vodili su to apriori odbijali. Očito ćemo imati još jednu neizvjesnu sezonu grijanja, jer ne prolaze naši zahtjevi o održanju tematske sjednice. Za to vrijeme gubitak Grijanja je narastao na 422 hiljade KM, direktor nije imenovan, a provedena je konkursna procedura. Bezobrazluku i bahatosti nikada kraja jer Uprava svake godine povećava plate za 5 posto, preduzeće ima po tri izvršna direktora i savjetnika, te 27 uopslenika sa visokom stručnom spremom, ali nikada Vijeću nisu dostavili prijedloge za sanaciju stanja. To mora prestati, baš kao i praksa lošeg poslovanja JP Apoteke Zenica, čiji gubitak iznosi nešto više od 68.000 KM, stav je SDA-a.



Hillary Clinton zvanično izabrana kao kandidat Demokratske partije za mjesto predsjednika SAD-a

Bivša američka prva dama, nekadašnja senatorica i državna sekretarka Hillary Rodham Clinton je na konvenciji Demokratske stranke formalno osvojila nominaciju za predsjednicu SAD-a, čime je u historiju ušla kao prva žena kojoj je to pošlo za rukom kada je riječ o nekoj od velikih političkih stranaka.

U dvosatnom izjašnjavanju drugog dana na konvenciji u Philadelphia predstavnici demokrata iz 50 saveznih država objavljivali su koliko je glasova pojedina država dala Hillary Clinton, a koliko njezinom protukandidatu Bernieju Sandersu, koji je napisljektu podržao Clinton.

Delegati su skandirali 'Hillary, Hillary' kad je njezinu nominaciju na konvenciji objavila senatorica Barbara Mikulski. Glasovima Južne Dakote, države koja je Clinton dodjelila 15 delegatskih glasova, Clinton je prešla prag od 2.383 potrebnih za demokratsku predsjedničku nominaciju.

Clinton će se za ulazak u Bijelu kuću natjecati s republikanskim takmacem Donaldom Trumpom, dok je u unutarstranačkoj utrci njezin glavni suparnik bio senator Sanders, koji joj je prvo dana konvencije dao jasnú podršku i pozvao sve svoje pristalice da učine isto.

Sandersov poziv je došao nakon burnih protesta njegovih obožavatelja zbog skandala koji je čelnici Demokratske stranke

Debbie Wasserman Schultz koštalo položaja. Ona je, neposredno uoči početka konvencije dala ostavku nakon što je WikiLeaks objavio emailove iz kojih proizlazi da je stranačko vodstvo tokom unutarstranačkih predizbora, protivno pravilima, bilo sklonije Clinton nego Sandersu.

Na početku same konvencije izbili su i protesti, a Sandersov poziv na podršku Clinton bio je popraćen negodovanjem i zvižducima. No, tenzije na konvenciji su opale nakon formalnog proglašenja Clinton kandidatkinjom, ali i nakon što je u ponedjeljak nadahnut govor podrške održala aktualna prva dama Michelle Obama. Govor prve dame SAD-a od kritičara je ocijenjen kao jedan od najboljih političkih govora u historiji SAD-a.

Hillary Clinton će s republikanskim protivnikom Donaldom Trumpom odmjeriti snage na predsjedničkim izborima 8. novembra. Prema anketama, Clinton i Trump se izmjenjuju u vodstvu s dva do tri posto glasova. Pred Sjedinjenim američkim državama su veoma važni izbori koji će zasigurno donijeti velike promjene. Nadati se je da će najutjecajnija država svijeta dobiti svoju prvu predsjednicu, odnosno da građani neće izabrati Trumpa i tako skrenuti u daleku desnicu te umjesto demokratije i slobode odabrat politike straha i diskriminacije.



Socijaldemokratska partija Hrvatske na čelu Narodne koalicije

Dva mjeseca prije izvanrednih parlamentarnih izbora u Hrvatskoj, na političkoj ljevici formirana je Narodna koalicija predvođena Socijaldemokratskom partijom Hrvatske.

Glavni odbor te stranke potvrdio je da ulazi u široku predizbornu koaliciju s Hrvatskom seljačkom strankom te Hrvatskom narodnom strankom (HNS) i Hrvatskom strankom umirovljenika (HSU).

Sa starim koalicijskim partnerom - Laburistima, SDP se ovaj put nije uspio dogovoriti. Koalicijski sporazum stranke Narodne koalicije potpisat će idući tjedan te nakon objave datuma izbora formirati izborne liste.

Predsjednik SDP-a Zoran Milanović potvrdio je nakon sjednice Glavnog odbora stranke u da je to tijelo imenovalo izborni štab za predstojeće parlamentarne izbore i definiralo partnere u Narodnoj koaliciji.

"Izborni stožer je isti kao i zadnji puta, priprema za izbore, koalicijski partneri su definirani i to je to. Nastavljamo posao nakon jednog čudnog intermezza. Ovo je, kao što sam rekao, narodna koalicija. U stvari je velika koalicija jer okuplja ljevicu, centar i desni centar, a desnica je ostala vani. HDZ je desnica", rekao je Milanović.

Očekuje da će nova koalicija polučiti bolji izborni rezultat od koalicije Hrvatska raste na izborima u novembru.

NARODNA KOALICIJA

SIGURAN SMJER ZA HRVATSKU



DA LI ĆEMO IMATI SOCIJALISTU NA ČELU UJEDINJENIH NACIJA?

Ove godine Ujedinjene nacije će birati novog Generalnog sekretara. Osoba na ovoj poziciji smatra se glasno-govornikom i liderom Ujedinjenih nacija a samim tim jednom od najutjecajnijih osoba na svijetu. Zbog toga je od velike važnosti da on ili ona imaju i nose univerzalne vrijednosti i rade za dobrobit svih ljudi i svih zemalja svijeta. Američki predsjednik Franklin Ruzvelt je ovu poziciju Generalnog sekretara opisao kao „svjetski moderator“ i to nam možda najbolje pojašnjava kako osoba na ovoj poziciji nema direktni utjecaj da upravlja i naređuje ali je veoma važna jer moderira odnose između različitih zemalja.

Ove godine dvanaest osoba je istaklo svoju kandidaturu za poziciju Generalnog sekretara. Od njih dvanaest polovina su žene, tako da postoji velika mogućnost da se po prvi put u historiji desi da žena obnaša ovu funkciju. Od kraja II svjetskog rata kada su Ujedinjene nacije osnovane, pa sve do danas, na ovoj poziciji bilo je 8 različitih ljudi, uključujući aktuelnog Ban Ki-moona. Mandat Generalnog sekretara traje 5 godina i tradicionalno je ograničen na dva uzastopna izbora, tako da se Ban Ki-moon više neće kandidovati.

Od ponuđenih dvanaest čak 6 kandidata su ljevičari ponikli ili još uvijek aktivni u socijalističkim i radničkim partijama u zemljama iz kojih dolaze. Ovdje ćemo ih ukratko predstaviti u nadi da će naredna ili naredni Generalni sekretar biti upravo neko od njih.



Christiana Figueres rođena je 1956. godine u Kostariki. Iza sebe ima 35 godina diplomatskog iskustva na najvišem nivou. Imenovana je za Izvršnog sekretara Okvirne UN konvencije za klimatske promjere (UNFCCC), u ovoj šestogodišnjoj misiji postigla je izvanredan uspjeh krunisan potpisivanjem Pariškog ugovora 2015. godine, jednog od najvažnijih za pitanje klimatskih promjena. Govori španski, engleski i njemački, majka je dva djeteta a u Kostariki je članica ljevičarske Partije narodnog oslobođenja, članice Socijalističke internacionale.



Irina Georgieva Bokova rođena je 1952. godine u Bugarskoj. Trenutno je Generalni direktor UNESCO-a. Dva puta je birana u Parlament Bugarske u ime Bugarske socijalističke partije, a radila je i kao zamjenik Ministra vanjskih poslova. Služila je kao ambasador u Francuskoj i Monaku te kao stalni delegat u UNESCO-u. Kada je izabrana za poziciju Generalnog direktora UNESCO-a bila je prava žena i prva osoba iz Istočne Evrope na toj poziciji. Govori četiri strana jezika i majka je dvoje djece.



Igor Lukšić rođen je 1976 godine u Crnoj Gori. Služio je kao Ministar finansija, dopremijer i Premijer Crne Gore. Trenutno obnaša funkciju Ministra vanjskih poslova. Rođen je i odgojen u partizanskoj, radničkoj porodici. Govori engleski, francuski i italijanski a otac je troje djece. Istaknuti je član Demokratske partije socijalista Crne Gore.



Danilo Turk rođen je u Sloveniji 1952. godine. Služio je kao treći predsjednik Slovenije u periodu od 2007. do 2012. godine. Političku karijeru je započeo kao sekretar komisije za manjine i strance u Socijalističkom savezu radnog naroda Jugoslavije, najmnogoljudnijoj organizaciji u Jugoslaviji koja je brojala višemilionsko članstvo. Kasnije je postao predsjednik ove komisije te član izvršnog odbora SSRNJ. Karijeru u Ujedinjenim nacijama započeo je još davne 1986. godine. Od tada do danas je služio na različitim istaknutim pozicijama unutar ove organizacije a u mandatu 1998-1999 bio je i predsjedavajući Vijeća sigurnosti Ujedinjenih nacija. Na mjesto predsjednika Slovenije izabran je kao nezavisni kandidat uz podršku široke koalicije ljevičarskih partija.



Helen Clark je Novozelandonka rođena 1950. godine. Nositeljica je Ordena Novog Zelanda i Zvijezde Solomonskih Ostrva, kao najviših državnih priznanja. Još kao tinejdžerica postala je aktivistica Laburističke (radničke) partije Novog Zelanda. Ima iskustvo u lokalnoj i nacionalnoj politici. Bila je nositeljica niza funkcija u laburističkim vladama, služila je kao ministrica stanovanja, ministrica zdravstva, ministrica naslijeđa i zamjenica premijera. Ubrzo nakon toga postaje predsjednica Laburističke partije Novog Zelanda, vodi stranku u veliku izbornu pobjedu i biva premijerka pete laburističke vlade Novog Zelanda u tri naredna uzastopna mandata, inače prva žena izabrana na ovu poziciju. Njena vlada ostala je zapamćena po velikom ekonomskom rastu i nizu socijalnih i egalitarnih reformi. Od 2009. godine do danas nalazi se na čelu UNDP-a, trećoj najutjecajnijoj poziciji u Ujedinjenim narodima.



Antonio Guterres rođen je u Portugalu 1949. godine. U rodnom Lisabonu studira fiziku i elektrotehniku a nakon studija počinje raditi kao profesor asistent. Akademsku karijeru ubrzo napušta jer se pridružuje Socijalističkoj partiji i počinje se profesionalno baviti politikom. Učestvuje u Karanfil revoluciji koja sa vlasti skida desničarsku diktatorsku vlast, nakon čega se Portugal povlači iz kolonija i postaje demokratska zemlja. U ovim procesima Guterres se profiliše kao jedan od partijskih lidera. Ima bogato iskustvo u lokalnoj i nacionalnoj politici, krunisano vodećom pozicijom u Socijalističkoj partiji i pozicijom premijera Vlade Portugala.



FORUM MLADIH

Damir Filipović: Mladi su promjena koju želite

SDP BiH je predao liste za Lokalne izbore 2016. godine, s tim u vezi oglasio se predsjednik Forum mladih SDP BiH, Damir Filipović: „SDP BiH je partija koja je u velikoj mjeri dala priliku mladim ljudima. Partija koja je uvela promjene na bosanskohercegovačku političku scenu izborom predsjednika svih nivoa organizovanja po principu „jedan član-jedan glas“, također, posebno zadovoljstvo kao predsjedniku FOM SDP BiH mi predstavlja činjenica da se na nekim najodgovornijim mjestima partije nalaze mlađi ljudi.

Građani su tražili promjene, mi smo svakako promjena, a posebno će to biti izraženo na Lokalnim izborima. Činjenica da smo postavili minimum od 40 posto mladih na listama je svakako promjena na političkoj sceni. Lokalne izbore ove godine SDP BiH izlazi sa jako podmlađenim listama, što znači da će građani u oktobru moći da biraju kombinaciju iskusnijih i inovativnih mladih ljudi, punih entuzijazma i snage.

Na listama za općinska vijeća/skupštine SDP

BiH se nalazi više od 800 mladih kandidata, dok je od tog broja 36 nosioca liste, što meni kao predsjedniku najjačeg političkog podmlatka u Bosni i Hercegovini predstavlja posebno zadovoljstvo.

Cilj Forum mladih je da 2. oktobra građani prepoznaјu mlade ljudi koji će svojim djelovanjem u lokalnim sredinama moći da stvaraju ugodniji ambijent življena i prosperitetnijeg ulaganja, koji će se boriti za pravdu i jednakost svih građana. Mladi moraju da preuzmu odgovornost i budu nositelji društvenih promjena.

Ovom prilikom čestitam svim mlađim kandidatima, te želim poručiti da ništa nije nemoguće i da BiH zaslужuje mladost, a mladost zaslужuje budućnost, jer ne želimo da budućnost ostane na nama, želimo našu budućnost sada!

Građani i građanke Bosne i Hercegovine, birajte mladost, a to znači promjena!

Do promjene!



FORUM SENIORA

Javna tribina u Bihaću o Nacrtu zakona o PIO/MIO FBiH

Forum seniora i senioreki Gradske organizacije Socijaldemokratske partije Bosne i Hercegovine, Bihać, organizirao je javnu tribinu o Nacrtu Zakona o penzijsko-mirovinsko invalidskom osiguranju Federacije BiH. O Nacrtu ovoga veoma bitnog zakona, koji je od ključne važnosti za Federaciju BiH, u smislu osiguranja financijske stabilnosti Federalnog zavoda PIO/MIO i osiguranja redovnosti isplate penzija, okupljenima su govorili Suada Hadžović, predsjednica Forum seniora/senioreki SDP BiH i Ante Mrnjavac, član Stručnog odbora za socijalnu politiku Forum seniora SDP BiH.

Zakon o penzijsko-mirovinsko invalidskom osiguranju Federacije BiH, trenutno u formi Nacrta, je jedan u nizu reformskih zakona kojeg je Federacija obavezna donijeti i izuzetno je značajan jer se tiče i ekonomski i socijalne sfere a unutar tog sistema, mnogo je strukturalnih pitanja, počev od generacije koje su trenutno penzioneri do onih koji će to tek postati. Ono što je katastrofalno jeste što je ovaj Zakon, Nacrt zakona aktuelne Vlade stvorio oštru distancu između postojećih penzionera i onih koji će biti penzioneri. Postojeći penzioneri se zadržavaju na postojećem nivou penzija a za buduće penzije je vrlo neizvjesno kako će biti financirane jer za sve penzionere nema sigurnih izvora finansiranja, kaže Suada Hadžović, predsjednica Forum seniora/senioreki SDP BiH. Hadžović dodaje kako je Vlada Federacije BIH u budžetu predviđela izdvajanja za povoljne penzije, po povoljnim



FORUM MLADIH

Održana sjednica Koordinacionog odbora KO FOM SDP ZDK

U prostorijama OO SDP Kakanj održana je 5. Sjednica Koordinacionog odbora FOM SDP ZDK. Sama sjednica je bila prilika da se izvrši posljednje pripreme za realizaciju izborne kampanje i ciljeva mladih a to je da u svakom Općinskom/Gradskom vijeću bude zastupljen po jedan mlađi vijećnik iz reda SDP sa područja ZDK.

Shodno navedenom u narednom periodu će se održati i zajednička edukacija mladih kandidata, koji će se održati u svim općinama ZDK a sama završnica priprema za izbore će vrhunac doživiti u Maglaju na zajedničkom druženju i konferenciji svih mladih kandidata sa područja ZDK.

Također je donesen i zaključak da se u narednom periodu izradi i dokument koji bi imao značaj i elemente strategije potrebne za dugoročniji plan i rad sa mladim u SDP ZDK.



FORUM ŽENA

Završni trening Edukacija edukatorica - Lokalne politike i inicijative za žene

Drugi, a ujedno i završni trening Edukacija edukatorica - Lokalne politike i inicijative za žene, koji se održao na Jahorini je uspješno realizovan.

Cilj programa "Lokalne politike i inicijative za žene" je da doprinesemo izgradnji kapaciteta socijaldemokratkinja u izradi rodno osvještenih politika i inicijativa, te izgradnje kapaciteta zagovaranja i promocije rodno osjetljivih rješenja, na taj način doprinoseći povjerenju učešća žena u zakonodavnoj vlasti na lokalnom nivou. Program realizuje Forum žena SDP BiH uz podršku partnerskih organizacija Forum lijeve inicijave, Westminster fondacije za demokratiju i Fondacije Friedrich

Ebert.

Fokus prvog treninga je bio na vještinama vođenja kampanje i komunikacijskim vještinama, dok je drugi trening bio usmjeren na lokalne politike i inicijative, a koje će zagovarati socijaldemokratkinje.

Trening je otvorio direktor FES-a, Maurius Müller Hennig, koji je istaknuo važnost održavanja ovog treninga sa stanovišta lokalnih politika koje su izrađene u okviru Programa, a Nermina Zaimović Uzunović, predsjednica FOŽ SDP BiH, je upoznala učesnice o samom projektu i predstavila ciljeve Edukacije edukatorica.



FORUM ŽENA



Akcija Forum-a žena SDP BiH Novo Sarajevo "Daruj krv, spasi život"

Forum žena SDP BiH Novo Sarajevo u suradnji sa Zavodom za transfuzijsku medicinu Federacije BiH je u prostorijama Općinske organizacije SDP BiH Novo Sarajevo organizirao akciju dobrovoljnog darivanja krvi pod nazivom „Daruj krv, spasi život“.

Cilj akcije je bio ukazati na značaj redovitog darivanja krvi te potaknuti postojeće ali i buduće darivatelje na redovno davanje krvi.

Jedna kap krv u nekome može značiti život jer

svako od nas u nekom trenutku života može zatrebati krv, te se upravo iz tog razloga ne bi trebalo ustručavati i da je damo nekome, poruka je učesnika ove akcije.

Zahvaljujemo svim hrabrim i humanim drugaricama i drugovima koji su uzeli učešće i dali podršku akciji.

Akciju su podržali i kandidat za načelnika Općine Novo Sarajevo Mirsad Ćatić Čuperak, te kandidati za Općinsko vijeće.



FORUM MLADIH

Uspješno realiziran projekat "Besplatne pripreme za prijemne ispite na fakultete Univerziteta u Tuzli 2016"

U periodu od 20. – 30.06. realiziran je ovo godišnji ciklus projekta Forum-a mladih SDP Tuzla "Besplatne pripreme za prijemne ispite na fakultete Univerziteta u Tuzli 2016". Projekat je realiziran i ove godine u kontinuitetu počevši od 2010. godine, u saradnji sa Savjetima za osnovno, srednje i visoko obrazovanje u okviru GO SDP BiH Tuzla.

Ovaj projekat obuhvatio je besplatnu instruktivnu nastavu za više od 250 maturanata/tica a nastava se odvijala svakoga dana tokom dvije sedmice, završno s 30.6.2016.

Projekat je od samog početka usmjeren na populaciju maturanata i maturantica srednjih škola u Tuzli, sa ciljem da im se od strane kvalifikovanog kadra SDP BiH Tuzla pruži besplatna edukacija iz nastavnih predmeta sa kojima će se susresti na prijemnim ispitima.

Predavačima i predavačicama koji su uze-

li učešće u ovom projektu dugujemo veliku zahvalnost gdje su instruktivnu nastavu izvodili volonterski i svojim znanjem, susretljivošću i voljom čime su doprinijeli boljem uspjehu maturanata i maturantica na prijemnim ispitima za fakultete na Univerzitet u Tuzli. Od 2010. godine pa do ovogodišnjeg realiziranog ciklusa projekta 2016. godine, kroz priču Besplatnih priprema prošlo je preko 4000 maturantica i maturanata što dovoljno govori o jačini projekta, važnosti i popularnosti među onima koji se posluže raspoloživim i besplatnim znanjem i savjetima naših profesora i profesora.

Projekat se iz godine u godinu realizuje sve uspješnije uz nesebičnu pomoć volontera i volonterki, aktivista i aktivistica Forum-a mladih SDP BiH Tuzla koji su svojim angažmanom pomogli neometan tok izvođenja nastave a time i uspješnost projekta.



FORUM MLADIH

Stefan Jović: Porodica nije sredstvo za popunjavanje budžetskih rupa

Vlada Republike Srpske je na posebnoj sjednici usvojila Odluku o utvrđivanju uvećanja plate, visine primanja po osnovu rada i visine pomoći radniku.

Ovom odlukom je propisano da roditelji više nisu članovi porodice. Cilj ovakvog definisanja članova porodice od strane Vlade RS je ušteda koja bi popunila budžetske rupe neisplaćivanjem pomoći od strane poslodavca radnicima u slučaju smrti jednog od roditelja.

Forum mladih SDP BiH osuđuje ovakvo tumačenje porodice jer predstavlja samo još jedan vid uštede preko leđa građana i to na osnovnoj celiji ljudskog društva – porodici.


Donošenjem ovakve Odluke, Vlada RS-a krši Zakon o radu kojim su roditelji definisani kao članovi porodice ukoliko oni žive u istom domaćinstvu.

Kao mladim ljudima, stalo nam je da živimo i radimo u Bosni i Hercegovini, u zemlji u kojoj smo rođeni i odrasli. U zemlji u kojoj su nas roditelji naučili da se borimo za naša osnovna građanska prava jer na taj način štitimo čitavo društvo, porodicu i nas kao jedinku. Ako Vlada RS-a ne vidi problem kod udara na osnovne vrijednosti porodice i društva samo zbog velikog budžetskog deficitu kojeg su opet oni izazvali svojom nesposobnošću, baveći se nacionalnim vitalnim interesima, onda imamo poruku za njih koju smo naučili ugledajući se na najuže članove naše porodice, naše roditelje. Prema čitavom društvu i državi svaki pojedinac se treba ophoditi kao prema svojoj porodici jer njoj uvek želimo da obezbijedimo najbolje.

Prenosimo Vam i izjavu potpredsednika FOM SDP BiH, Stefana Jovića.

„Vladajuća struktura u Republici Srpskoj dokazuje koliko može biti „inovativna“ i ekspresna kada se radi o usvajanju odluka kojima je u cilju udar na građane i popunjavanje budžetskih rupa preko leđa radnika. U civilizovanom demokratskom društvu je nemoguće zamisliti da vlada prekraja društvene vrijednosti građanima i odlučuje o tome ko je član Vaše porodice, a ko nije. Ne nalazimo se na početku ljudske civilizacije kada je čovjek iz nomadskog života odlučio da kreira društvo i zajednice koje bi prerasle u državu pa da je neophodno da definišemo osnovne socijalne slojeve društva. Očigledno je da vladajuća struktura u RS-u na čelu sa Miloradom Dodikom i njegovim uzvikivanjem na skupovima „Ovo je država!“ još ne zna u kojoj fazi razvoja se nalazi civilizacija na ovom prostoru pa u pokušaju kreiranja države unutar države, definišu po svom nahođenju osnovne klase društva.

Radnici u slučaju smrti jednog od roditelja više ne mogu da očekuju pomoć od Vlade ovog entiteta. Održavanje dostojanstvenog posljednjeg ispraćaja roditelja od sada će biti preveliki teret za radničku populaciju. Jedini vid rješenja za ovu populaciju biće dizanje kredita u bankama jer od

**Benjamin Filipović (2006-2016)**

Benjamin Filipović rođen 1962. godine u Sarajevu, a filmsku režiju diplomirao na praškoj akademiji FAMU. Svoj prvi dugometražni film "Praznik u Sarajevu" režirao je 1991. godine, bio je to jedan od posljednjih uspješnih jugoslavenskih filmova koji je dobio brojne nagrade u zemlji i inostranstvu. Široj javnosti je vjerovatno najpoznatiji kao režiser kultne serije "Top lista nadrealista".

Jedan je od osnivača TV mreže OBN, na kojoj je radio kao glavni urednik i umetnički direktor. Bio je profesor na Akademiji scenskih umetnosti, predsednik Asocijacije filmskih radnika BiH, predsjednik Upravnog odbora SARTR-a, član Evropske filmske akademije i Društva filmskih i TV reditelja Njemačke.

Preminuo je u 45. godini života od posljedica srčanog udara. Iste godine bio je kandidat SDP BiH za Skupštinu Kantona Sarajevo, ali je preminuo prije same kampanje. Njegovim odlaskom Bosna i Hercegovina je izgubila jednog od najistaknutijih režisera i intelektualaca a socijaldemokrati uvaženog i dragog druga.

**Ivan Mijačević (1947—2007)**

Rođen u opštini Gradačac. U Sarajevu je završio Vojnu akademiju, a Visokoštabnu Vojnu akademiju u Beogradu. Bio je oficir bivše JNA do kraja 1991. godine nakon čega dolazi u rodni Gradačac gdje biva postavljen za komandanta Opštinskog štaba TO, a kasnije za komandanta 107. Viteške motorizovane brigade Armije R BiH. Dao je veliki doprinos u odbrani Gradačca i Bosne i Hercegovine. Bio je potpredsjednik Općinske organizacije SDP BiH Gradačac, potpredsjednik Kantonalnog odbora SDP BiH Tuzla i član Glavnog odbora SDP BiH. Bio je vijećnik u Općinskom vijeću Gradačac i poslanik u državnom Parlamentu BiH.


**Mersudin Kožo (1961-2013)**

Mersudin Kožo rođen je 4. februara 1961.godine u Goraždu. Osnovno i srednje obrazovanje završio je u Goraždu, a visoko obrazovanje u Zagrebu gdje je stekao zvanje diplomiranog inžinjera tehnološke hemije. Bio je zaposlen kao šef Službe za kvalitet u UNIS „Ginex“ d.d. Goražde. U tri mandata bio je zastupnik u Skupštini Bosansko-podrinjskog kantona Goražde ispred Socijaldemokratske partije BiH. U periodu 2000-2004. godine bio je načelnik Općine Goražde.

SJEĆANJE NA PREMINULE ČLANOVE I ČLANICE SDP BIH IZ LOKALNIH ORGANIZACIJA

Ajanović Ahmet (1930–2014) Brčko
Alibegović Muhamed (1936-2011) Tuzla
Avdić Mevlida – Mida (1949 – 2009) Brčko
Đozlić Omer (1934-2016) Mostar
Hasibović Ragib (1949-2008) Ilidža
Hasović Hariz (1967–2015) Brčko
Hrnić Huse (2016) Ključ
Hrštić Halil (1934-2011) Brčko
Huseinović Agan (1945–2010) Brčko
Ismailefendić Ibrahim (1931–2011) Brčko
Kobić Avdo (1931-2013) Brčko

Kulenović Bećo (2012) Ključ
Lendo Muhamrem (1957-2016) Mostar
Medić Huse (1925- 2016) Ključ
Muftić Hazim (1937–1996) Brčko
Petrović Dragan (1926-2004) Tuzla
Prodanović Savo (1928-2013) Brčko
Subašić Dursum (2014) Ključ
Zamboni Dara (1929-1998) Tuzla
Žujo Ibrahim (1956-2016) Mostar



Čaršafi i brojevi

Piše: Edita Sulejmanović

Nismo brojevi, ljudi smo koji stoje iza tih brojki, osjećaju, žive, dišu, smiju se i plaču, idu na pijacu, gledaju utakmicu, uče djecu istinskim vrijednostima života... Svako od nas nosi neko breme na svojim leđima, svi mi imamo svoje istine i životne priče.

Ovaj naslov postoji već jako dugo. Negdje sam ga zapisala u jednu od mojih bilježnica, i podsjetim se na njega svaki put kada krenem do izbornog mjeseta, da iskoristim svoje pravo glasa i ispunim građansku dužnost. I tako svake dvije godine...

Želim nešto reći o atmosferi koja nas očekuje za koji mjesec, o nezadovoljstvu građana i komentarima kako nam je svake dvije godine haos pred oktobar, guramo se i borimo za glasove, koliko nam je komplikiran život kada uđemo u onu „kućicu“ za glasanje i otvorimo čaršafe sa imenima i njihovim brojevima, koliko... šta sve ne? Kako ovo rekoh, shvatih da sam i ja neki broj...

Ne želim biti samo broj! Imam svoje ime i prezime, ponosno ga nosim. Požrtvovana sam, uporna, željna novih iskustava. Hoću da stvaram prilike za bolji, pravedniji život, kako moj i moje porodice, tako i dragih prijatelja, komšija, sugrađana... A ako pristanem na to da budem samo broj, onda mi je bolje da i ne ulazim u ovu priču. Zato ovako pišem jer i na ovaj način želim skrenuti pažnju i podsjetiti građane o čemu je u stvari riječ kada uđu u onu pomenutu „kućicu“ za glasanje.

Koliko god smatrali da su mediji i društvene mreže presudni u pridobijanju glasača, po mom mišljenju ništa manje vrijedan je onaj stajinski, tradicionalni način kontakta sa ljudima kroz razgovor i lijepu

riječ. Upravo taj i takav pristup ljudima je ono što nam u današnje vrijeme nedostaje. Toplina, iskrene namjere i razumijevanje koje ljudi osjete u direktnom kontaktu, kroz priču, stisak ruke, zagrljav, dio su naše tradicije. Svojim sugrađanima želim pružiti priliku da me stvarno upoznaju.

Hoću da imam njihovo povjerenje, stalno, ne samo pred izbore, ne samo početkom oktobra, kada trebaju dati svoj glas. Hoću da me znaju kako bih i ja upoznala njihove probleme sa kojima se susreću u mjestima u kojima žive. To ne mogu kao „tamo neki“ broj na listiću, na čaršifu.

Nismo brojevi, ljudi smo koji stoje iza tih brojki, osjećaju, žive, dišu, smiju se i plaču, idu na pijacu, gledaju utakmicu, uče djecu istinskim vrijednostima života... Svako od nas nosi neko breme na svojim leđima, svi mi imamo svoje istine i životne priče.

U oktobru izađimo na izbore i iskažimo svoje (ne)zadovoljstvo. Zapravo, mislim da većini građana nije ni potrebna ova zagrada. Rijetko ko je zadovoljan u zemlji sa više od pola miliona nezaposlenih, u zemlji iz koje mladi žele da idu. Zato, iskoristimo pruženu šansu! Ali prije toga – dajte mi priliku da ja upoznam Vas i da Vi upoznate mene. Moje ime je Edita Sulejmanović. Nisam samo broj. Ja sam Vaša sugrađanka.



PRISTUPNICA

Aplikaciju je potrebno popuniti čitko, štampanim slovima. Sa * su označena polja koja je potrebno obavezno popuniti.

1. LIČNI PODACI

Prezime*	
Ime*	
Pol*	
Datum rođenja*	
JMBG	
Broj lične karte	
Nacionalnost*	
Državljanstvo	
Bračni status	

6. PODACI O OBRAZOVANJU

Stručna sprema*	
Zvanje / titula	
Zanimanje*	
Oblast zanimanja	
Poznavanje jezika	

7. RANIJI POLITIČKI ANGAŽMAN

Naziv političke stranke u kojoj ste bili član/ica	
Pozicija u stranci	
Period članstva	

8. ČLANSTVO U INTERESnim OBЛИCИMA ORGANIZOVANJA SDP BIH

Forum mladih	
Forum žena	
Forum sindikalnih aktivista i aktivistica	
Forum seniora / senioreki	

9. VIDOVI ANGAŽMANA ZA KOJE STE ZAINTERESOVANI

djelovanje u zakonodavnoj vlasti	
djelovanje u izvršnoj vlasti	
razvoj i organizaciono jačanje SDP BiH	
profiliranje politike i stavova SDP BiH u oblasti (upisati)	
drugo (upisati)	

Mjesto i datum

Potpis člana / članice

sloboda, jednakost, solidarnost

GLAS SLOBODE
ГЛАС СЛОБОДЕ

Zvanični list Socijaldemokratske partije Bosne i Hercegovine
Official news of Socialdemocratic party of Bosnia and Herzegovina

SDP

IMPRESSUM

UREDNIČKI KOLEGIJ: Vedad Hajdarević, Malik Garibija, Denis Vrhovčić, Vesna Bukvić, Adnan Sobo

DTP: Adi Kasumović

Fotografije: Nino Maričić

E-mail: informisanje@sdp.ba, desk@sdp.ba